

鄧州志卷之十七

古延蔣光祖振裘氏纂修

孝弟義行

附鄉飲賓介

良知良能達之天下而以孝弟著者不數數觀焉蓋亦庸德之行安常處順或無得而稱耳夫疾病死喪豈人子所忍聞然哀籲請代割股廬墓皆至性所迫發之最真而筆之於書惟是為有實蹟則勸民與孝之意即行乎其間矣至如睦嫻任恤與孝弟為六行且天災流行緩急時有而奢蕩者顧吝於施予由有餘以濟不足非慷慨好義能之乎並紀於篇皆所以

鄧州志

卷之十七

孝弟

一

廣教化厚風俗也志孝弟義行

孝弟

南北朝宋師覺長字覺授南陽涅陽人也與外兄宗少文並有素業以琴書自娛於路忽見一人持書一函題曰至孝師君苦前俄而不見捨車奔歸聞家哭聲一叫而絕良久乃蘇後撰孝子傳八卷宋臨川王義慶辟為州祭酒主簿並不就乃表薦之會卒南史孝義傳

南齊樂熙之字文德南陽涅陽人也世居南郡少而言行和謹仕為京府參軍父在郢病亡頓之忽悲戀涕泣因請假還中路果得父凶問便徒跣號咷出陶後

渚遇商人附城西上水漿不入口數日嘗遇病與母  
隔壁忍病不言嚙被至碎恐母之哀已也湘州刺史  
王僧虔引爲主簿以同僚非人棄官去吏部郎庾杲  
之嘗往候顯之爲設食唯枯魚菜菹杲之曰我不能  
食此毋聞之曰出常膳魚羹數種杲之曰卿過於茅  
季偉我非郭林宗仕至郢州中從事

弟預字文介亦至孝父臨王執手以託郢州行事王英  
預悲感悶絕吐血數升遂發病官至驃騎錄事參軍  
隆昌末預謂丹陽尹徐孝嗣曰外傳藉藉似有伊周  
之事君蒙武靈殊常之恩荷託付之重恐不得同人

鄧州志

卷之十七

孝弟

二

此事人笑褚公至今齒冷無爲効尤孝嗣故吏吳興  
沈昇之亦說之曰昇之與君俱有項領之功今一言  
而二功俱解豈願聞之乎君受恩二祖而更參惟新  
之政以君爲反覆人事成則無處逃咎矣昇之草萊  
百姓言出禍已隨之孰與超然謝病高枕家園則與  
松栢比操風霜等烈豈不美耶孝嗣並改容謝之預  
建武中爲永世令人懷其德卒官時有一媪年可六  
七十擔榲欐葉造市貨之聞預亡大泣棄溪中曰失  
樂令我輩孤獨老姥政應就死耳市人亦皆泣其惠

化如此

南史孝義傳

元陳介鄧州人力學強記博通經史汴省以文學辟主  
師席不就性至孝親終廬墓盡哀鄉人化之魯文靖  
撰墓碣備述其事

杜君輔鄧州人友於兄弟不分產析爨親終廬墓鄉人  
稱之吳草廬傳其事

周文卿鄧州人與弟憲卿三世同居財無私蓄庭無間  
言魯文靖爲作世慶碑

劉子平鄧州人博學尙義兄弟五人同居共爨凡喪祭  
悉依文公家禮名重士林俱登上壽

明李濟時鄧庠生性純篤謹飭毋先卒哀毀踰禮及父

鄧州志

卷之十七

孝弟

三

卒廬墓終喪時值流賊入境守墓不去賊見其哀戚  
孤處不忍加害

孔爵鄧庠生顯五世孫父傑病爵侍湯藥衣不解帶及  
卒廬墓三年朝墓哭泣感致異鵲芝草尤善事繼母  
鄉人稱之

曾璽鄧州人親卒廬墓三年事聞旌表

陳應徵鄧州人義俠有勇力性極孝友其父鎮甘州卒  
異域時邊患甚急徵以馬革裹父尸身負其弟手刃  
障繼母之騎突險而歸數遇寇從人股慄應徵慷慨  
論以情實寇感嘆相送入關後以例入國學不慕仕

進終於家

張桂榮鄧州人存忠五世孫性孤介重厚寡言父歿廬墓三年朝夕泣血負土築墳手爲綻裂偶雨後有人就宿墓側夜半遽呼之起掖上樹巔則河水洶湧而來平地丈餘近村廬舍盡遭漂沒桂榮獲全其人且辭去罔知所之乃編茅爲居野火驟至而其茅不焚人謂孝感所至有司旌其門

劉繩鄧州人性至孝親卒廬墓三年過門不入嘗有赤蛇盤墓側累揮不去人以爲孝感所致勅賜旌表

張維翰力田盡孝事繼母尤謹母每伺其父出則篋楚

鄧州志

卷之十七

孝弟

四

備至終不敢言一日飲母酒母曰此醜毒也遂含泣自飲隆冬與以單衣鄰人憐而衣之維翰恐逆母志不敢服母病每進藥必嘗母爲感動遂待如已生及寇亂見殺戮慘毒嘆曰天必篤生異人使群盜毆民耳何至身罹戮辱遂不食而死

柴養愚鄧庠生勵志讀書雅善交遊性至孝丁丑寇亂父被賊縛將殺之養愚挺身覆蔽手掣其刃指俱落父得不死養愚以創裂成疾卒子含慧性坦率好直言里黨稱爲諒士

廖作棟字伯隆性孝友事母色養先意承志家故饒資

產母沒以遺命悉與其弟器量含宏或非禮科加則  
婉言謝之終不與較晚年嗜方外學尤精於醫所活  
不下數百人舉鄉飲价賓年七十六卒著有痘疹指  
掌書行於世

國朝丁如濂字澹水州庠生爲人孝友母歿廬墓三年設  
祭田十畝以供先祀又嘗出粟賑饑施地六畝爲義  
塚好善樂施迄老不倦子庠生之楫朴實有父風

丁元昇雙橋鋪人前明流官百戶丁成之裔也事繼母  
李以孝聞李自戕亂母病不能行昇與妻劉氏負母  
一日夜行二百餘里抵襄陽性豪俠鄉里有急難輒

鄧州志

卷之十七

孝弟

五

出資貸之有司高其義舉鄉飲大賓撫治鄖院主公  
給扁旌焉

梁大臨關廂里人母丁氏病甚醫藥莫效乃焚香籲天  
刲臂肉以食其母尋瘳後數年母卒大臨日夜號泣  
哀毀骨立又頻以已地讓其兄大臨目不知書而孝  
友若此蓋天性然也

王文鄧州人父之基嬰危疾文貧竄不能延醫自割右  
臂肉爲羹進之其父尋愈越三年父歿無以葬文復  
質身得值并其祖皆葬焉

馬明信父早歿貧甚傭工養母母年七十病危夜思肉

明信計無所出痛哭不已乃割左股進之母得羹遂  
大愈知州蔣光祖給匾旌之

盧景舜祖義病篤刲胸肉作羹以進其祖食之遂愈知  
州蔣光祖給匾旌曰至性格天

安信鄧州人歲貢任封邱訓導父病號泣籲天願以身  
代父遂愈事繼母盡孝父歿異母二弟皆在襁褓撫  
之成立助修學宮設義學延師教士秦晉饑民流至  
鄧信煮粥賑救疫則施藥治之全活甚衆又立義塚  
掩埋齒骼康熙四十七年祀鄉賢

李灝字九巘文定公永茂長子由廩生廕錦衣衛指揮

鄧州志

卷之十七

孝弟

六

性孝友早失母繼母周撫之崇禎十年流寇陷鄧周  
登城欲自墜灝窺城缺扶母奔鄉庄得免聞莊烈帝  
殉國悲哀幾絕誓隨父永茂討賊及永茂卒晝夜號  
哭目爲之盲母復沒遂辭恩廕扶襯歸葬義僕盧朴  
等十餘家皆給土田遣之周卹鄉里無子以弟鴻之  
子杜爲嗣杜字芳園事親孝父目復明工詩畫鐫篆  
書數卷弟產薄以已田六頃與之父友周子祿廢產  
他適杜尋歸以已地四十畝取值僅十之一書契授  
焉

李英字超勣歲貢生幼失父事母盡孝母歿廬墓日夜

悲泣好義樂施貧之稱貸者七百餘金悉焚其券屢蒙當事額旌州牧延爲書院師前後二十餘年所指授成就者甚衆

丁始隆字允實州庠生父庠生泰始早歿始隆事母盡孝及卒廬墓三年終喪不忍去置近墳地百畝以爲祭田族姓最盛復倡捐設祭田建宗祠周濟族黨歲疫施棺暑月施茶知州楊燕旌其門子宏玉入府庠孫有成州學增廣生

龐松茂事父母以孝聞及卒廬墓三年修家譜設祭田雖非素封而好行其德平道路施義塚素習岐黃貧

者出藥濟之隣人李良五年不歸其父聞子死將嫁其媳松茂急止之聘銀已耗其半松茂爲代償復資給之逾月而良歸年六十二卒子焜爲州廩生

王炎王可法義子可法有子澤父歿遺產蕩廢不能養其母乾隆四年歲歉澤鬻其子爲奴得錢千餘獨携妻而去炎夫婦晝夜紡織竭力奉母又積錢千餘贖其姪越數年復積金爲姪娶妻皆送澤所嘗夫婦耘於田毋自田中先歸忽風雹大作人皆竄避炎望途中不見其母恐已被傷急趨負之妻魯氏用衣物覆蔽奔歸病數日而愈

李宗密字孝齋貢生事父母孝及歿廬墓三年有義行  
當事旌其門

張在字玉衡郡庠生事父母孝母歿廬墓三年三弟繼  
歿撫諸姪成立族叔容死湖廣在尋其子婦爲娶妻  
成室給田六十畝年八十二卒子三人彌鑿侍鑿化  
遠皆入州庠

唐治齋有弟六人聯最少分產時治齋念弟聯年十四  
幼而勤學將宅一區田九十七畝讓與聯俾得耕讀  
成家聯族爲郡庠生

孫光蘭事親孝父年八十二歲而歿生養死葬竭誠無

鄧州志

卷之十七

孝弟

八

憾兄弟五人光蘭居次長兄玉蘭早卒嫂劉亦故遺  
女一未幾三四五弟相繼夭亡遺婦鞠李翟孤姪源  
淳湘清光蘭經理數喪一門四寡所遺男女五人皆  
光蘭一人養育教導婚嫁不遺餘力至今一門之內  
相親相敬里黨共推孝友

王鐸有從叔父久出不歸遺弟璽幼無依鐸爲撫養長  
成婚娶復出遍尋叔歸加禮孝敬又分給房屋俾璽  
成立

義行

明李昇威之子也嘗載綿花客湖湘間有三商以三百



金易之旣付值而被火花燬三商大哭昇慰之曰貨未及移尙爲我物遂出其值還之子賢旣貴凡五受誥命四詣闕謝恩明初百年大臣之父累受榮封者昇一人而已夫順三年將至京上諭群臣曰朕明日有客來卿等幸遠接時正八十初度傾朝來賀將朝謂子賢曰吾本草葬布衣荷國殊恩錦繡非所敢御明當布袍入見耳賢勸不得已乃製紅布袍以朝上愈嘉其朴實問曰卿家居何所事對曰讀書曰何書對曰明心寶鑑上取覽之曰卿在家行善也命有司建績善坊特賜寶鈔三千貫命子賢出城遠送朝臣

鄧州志

卷之十七 孝弟

九

皆陪送道路觀者無不歎羨卒之日呼僕隸陳輿馬行具於庭曰吾將朝天乃自擇袍帶服之而逝上聞歎悼贈賻甚厚命有司營葬祭子三長卽賢次謙舉人次讓舉人監察御史

丁廣鄧州人天資淳篤好施子鄉黨稱爲丁三老立別墅城外三十里率子弟力農待兄子如已出池魚不滿尺不食見牧童獲禽則鬻而放之接人謙恭溫雅對子則譽其父之善對弟則譽其兄之善恂恂然未嘗自矜鄉人化之以壽終李文達公曰三老之行如此視古陳仲弓王彥方孰知先後哉

劉潭鄧州人性仁孝尚氣節為州牧余公所知禮遇特隆復勒名於碑以彰其賢正德末巨寇時齊橫肆劫掠殺馬都司等十七人詔懸賞購其首潭設謀糾眾擒獲有功授雲南烏撒衛百戶因親老不赴

丁璵字季裘周長子與弟垓俱以諸生入太學垓就薄宦及還兄弟共置祭田學田捐金修府縣兩學歲饑輸粟千石入義倉全活甚眾勅建義士坊時舊學在外城東南隅因科第久闕大叅徐公相地改卜璵垓首捐居宅為今學自先師廟至櫺星門皆其地也有司再上其事勅建重義坊以旌之璵子六銑江西

鄧州志

卷之十七

孝弟

十

理問鉦贈奉直大夫鉦南城兵馬司指揮鐸同時為北城指揮緝奸禁暴不畏強禦神宗嘗戒貴戚避之

元霄大雨雪帝出西華門觀燈見鐸披鎧立雪中問何臣左右曰丁兵馬也上為罷幸

按帝戒貴戚避之及罷幸二事疑係

傳聞傳會蓋兵馬司地方小吏焉能彈治貴戚且與神宗時事勢尤不類又非武職何乃披鎧對上曰丁兵馬亦無此稱謂頗似齊東村談姑存以俟考時貴家婦人鐸理其獄坐償銀三千金不受忤當道出為雲南布政司經歷入覲上稔其名賜僉事服勅封文林郎致仕

韓立國鄧州人文公世裔勤耕織好施子萬歷二十一年歲饑人相食立國出粟賑濟死者施棺瘞之以

千百計子應元能繼其德崇禎間再出粟賑濟施棺  
棺不給施棺又嘗聚骸百餘埋之號爲百人塚延僧  
薦度焉子姓五世同居孫効忠選貢四川新都知縣  
陳忠監生順治二年李自成過鄧州陷賊不屈死

彭進賢字南溪祖籍江西新喻先世有客鄧者悅其俗  
遂家焉至進賢敦尚義節讀書不求仕進耕於禹山  
之陽萬曆二十一年歲大饑出粟五百石爲粥以食  
鄉之餓者全活甚衆鄉人德之事親孝於物無忤所  
居有菜萁河湍悍善汜捐資爲石梁以通涉遠近稱  
利濟焉子彬有異才讀書自負不幸早世妻王守節

鄧州志

卷之十七

孝弟

士

撫孤見烈女

張鴻翔字翎修鄧州人偉幹方頤性爽武好預人不平  
事尤喜獎拔後學負人倫鑑甲子鄉闈已入彀因後  
場犯時諱竟乙去遂放浪詩酒間魏璫擅權鄧有小  
黃門出其幕下額表密勿近臣四字鴻翔醉過其宅  
輒躍棖題上摘而碎之黃門聞翔名竟不問庚午復  
阨於有司遂嘔血死

黃鎮字文川刑部主事大義孫生未週歲失恃及長披  
相圖妨毋瘧已適與合輒憤然剔去流血被面不少  
動事父遵道以孝聞父卒與兄鉉同井白事無巨細

惟兄命是從時山左流凶踵至民人饑且死鎮出家  
資振貸活者甚衆有亡友妻某氏見其鰥欲嫁之設  
斗酒達意鎮手批其頰而去又某氏欲以賄遷亦叱  
之不從已酉舉鄉飲价賓年九十以壽終子極建李  
自成據鄧極建罵賊不屈死

劉建猷字翼皇州庠生性孝友父歿二弟尙幼撫教至  
析居各讓腴田四十畝族祖母姑婦守志代養二十  
二年及歿爲之殯葬族叔爲社長負官穀建猷出已  
粟八十石勸族衆助七十石代以償納堂叔流寓湖  
廣覓歸爲娶妻仍給已產百畝族姪被鬻亦贖歸授

鄧州志

卷之十七

孝弟

十三

實康熙三十八年大疫買棺瘞死者四十二年歲饑  
待以舉火百有餘家州人頌其德稱爲義門

王瑞字楚石篤行睦族周給婚喪助置普濟堂建普濟  
石橋修理古剎廟所費約四五千金嘗游大梁值疫  
癘盛行半歲中施棺木以千百計路遇鬻女者泣於  
道卽爲代償亦不告以姓名子輯遠字有年幼穎悟  
年十三入州庠嘗載高粱二十舟赴襄樊買人郝姓  
者持銀二百金易之值漢水暴溢舟覆郝買撫膺大  
慟輯遠悉出原銀給之

江泳字沔若性孝友自置田產四十頃止取一頃餘悉

以與諸弟豪俠好義貧人待以舉火者數十家南關  
舊有甘井久涸涿捐二百餘金開之人皆利汲花園  
街古董家巷也居民占塞涿復開之人皆從其  
言往來稱便

申侯字公壽邑庠生性孝友好學析產讓肥居瘠康熙  
三十一年出粟二百餘石賑饑歲疫施義塚一段勤  
於誨人周濟貧乏稱爲盛德長者

附鄉飲賓介

國朝胡鈺鄧庠生順治二年 英王辟爲德安府知府初  
闖逆南奔所過人民盡俘而下鄧民流落德安者甚

鄧州志

卷之十七

孝弟

三

衆時方艱食鈿資給糗糧遣之歸里賴以復業者甚  
衆舉鄉飲大賓

丁之楹字旋吉少有聲膠庠領歲薦歷固始上蔡許州  
汝寧學博居鄉有盛德舉鄉飲大賓

龐人龍字羽淵鄧州人賦性醇朴事親以孝聞崇禎丁  
丑負父避寇難屢遇賊欲擊之入龍跪泣願以身代  
賊義而釋之及歸白骨遍野人龍捐義塚掩埋施茶  
城右大槐樹下教子讀書足跡不入公門康熙甲寅  
舉鄉飲給匾旌獎壽八旬卒子光喬曾孫松茂俱屢  
注

丁三事存心仁厚制行端方助修文廟歲大疫伐樹數百株施棺掩葬族黨冠婚喪祭力貧者悉周濟焉舉鄉飲大賓

杜遺愛字仁字韻書未成乃習岐黃業倉舖罪人疫視之非疫也饑也施食十日而愈郡侯劉公感之盡釋倉舖眾犯甲子士民共舉為鄉飲賓

唐俞字五臣州庠生貢生超齋子事父母孝母病親進湯藥衣不解帶者十餘年及歿三年中日赴墓痛哭四世同居庭無間言為人忠厚謙讓或非禮相加輒婉言謝之終不與較族隣有貧乏及婚喪不給者輒

鄧州志

卷之十七

孝弟

古

為周濟施棺木置義塚乾隆十九年年七十二州人公舉鄉飲介賓

張佑字天申父母早歿事兄極恭謹性忍讓未嘗與人爭論好善樂施或貧不能償焚其券隣人賣其孤姪產後姪成立將致訟佑輒以契還之修九重院關廟施地十畝又代師子贖地十畝年八十八舉鄉飲者

賓

克讓字允恭乾隆辛酉副榜性孝友為人老成忠厚

雖晚年足不踰戶手不擇卷乾隆十九年年八十歲公舉鄉飲正賓

安奉天字欽修太學生為人淳樸老成性孝友居鄉忍

讓不與人爭尤好施予濟貧乏捐地掩骼焚券弛索  
老孳孳也叔安偉家頗素封子媳俱亾偉夫婦亦先  
後見逝遺幼孫安本方在襁抱奉天受託撫孤踰於  
巳子以養以教俾至成立現在堂構克承門閭開闢  
有加於昔而一錢尺帛未私於巳人尤稱其厚德卓  
行焉 補遺

鄧州志卷之十七終

鄧州志

卷之十七

孝弟

五